

Era istòria deth Rebot de les Gambires

Nòm:

Grop:

Un negòci familiar e artesanau qu'adocís eth paladar des persones.

Entà hicar-mos en relat sus eth Rebot de les Gambires abans cau conèisher-ne es protagonistes: era familia Llach, compausada peth matrimòni e es hilhs, Francesc e Josep.

Eth pair e era mair vien de familia de pagesi, trabalhauen coma masovèrs en Gambires, ua explotacion agrària plaçada en pòble de Torelló, ena comarca d'Osona. Enes ans 70 eth pair, Josep, podec crompar era explotacion. Era familia tanben ère propietària dera masia Joanet de Pujols, que temps endarrèr eth suer de Josep li auie crompat ara sua hilha. En aguesti dus lòcs, en Gambires e ena masia, se gestarà eth projècte empresariu de caractèr familau.

Francesc e Josep auien cada un eth sòn pròpi trabalh, maugrat que cada viatge que podien ajudauen as pairs.

Quan era explotacion comencèc a èster viabla, toti dus decidiren deishar es respectius trabalhs e dedicar-se exclusivaments ath negòci de casa.

Ath començament, es frairs se centrèren ena milhora deth producte d'explotacion animau: vedèrs, pòrcs, poret e garies. Per açò optèren per engrossir mès ath bestiar e poralha e d'aguesta manèra obtier ua carn fôrça saborosa e peculiarara que la diferencièsse. En aguest periòde dèren torns ara idea de crear ua botiga que les ajudèsse a víuer de pagès de forma sostenibla. E guarda-me tu qu'era idea se convertic en ua realitat.

En an 2016 inaugurèren eth Rebot de les Gambires, ua botiga de productes de produccion pròpia e respectuosa damb er entorn e eth miei. Aufrissen des de fruta a verdura deth sòn uart e verdura ecologica, carn deth sòn bestiar e elaboracions de casa, ueus, conilhs, anhèths, hormatges, legums, pasta, confitures, etc. Ath delà, compden damb ua petita cava.


Er objectiu de Francesc e de Josep ei apropar dia a dia as sòns clients un producte san, de qualitat, de proximitat, tostemp e que sigue possible, e a un prètz mès economic.

Eth Rebot de les Gambires ei ena masia Joanet de Pujols, en municipi Sant Vicenç de Torelló, a pròp de Torelló.

Aquiu an er

obrador damb sala tà espedoçar e a on elabòren es

sòns productes, e eth uart. Era masia ei dubèrta ara visita d'escòles tà qu'es mainatges e mainades poguen descorbir e gaudir dera vida de pagès.



En aguesti dus ans de vida der establiment es frairs valoren es errors qu'an cometut perque les an servit tà aprèner e rectificat. De totes formes cren qu'er esfòrc, era illusion, era perseverança e eth trabalh en equipa an estat e son era clau tà recòrrer eth camin dera emprendoria, perque, coma ditz Francesc, "non ei cap escoar cerides".



Era família Llach seguís mercant-se prètzhèts que les permeten milhorar eth Rebòst des Gambires , eth uart, era alimentacion deth bestiar, era eficiència energetica... En definitiva, transformar es Gambires e era masia Joanet de Pujols en un negòci excellent en toti es sòns versants. Son conscients qu'aguest procès ei lent, mès non les manque decision e compromís entà arrenhè'c.

Se vòs mès informacion sus eth Rebost de les Gambires, consulta era plana web: <http://www.elrebotdelesgambires.cat/>

VOCABULARI E EXPRESSIONS

Masovèr: persona qu'explòte ua masia propietat de d'anti e i acostume a demorar.

Masia: explotacion agrària tradicionau constituïda per ua casa de camp damb diuèrses dependéncias, nomentada soent masia, qu'a bòsc, peisheus e tèrres de cultiu adscrites.

Perseverança: persisténcia en bèra causa començada, prossecucion continuada en quauquarren de començat.

SINONIMS

Prètzhèt: objectiu.

① AUEM CURIOSITAT

1. Quines cres que son es valors mès importantes qu'a d'auer ua persona o grop de persones ara ora d'emprèner un negòci?

.....

2. Com explicaries qué ei un "producte san"?

.....

3. Qué vò díder era expression "escoar cerides"?

.....

4. Penses que i a ua relacion entre era qualitat dera carn e eth suenh e eth benèster des bèsties? Rasoa era tua resposta.

.....